

慈利縣志卷第三

地理第一之三 澧水

澧水自潭口入縣西境其北厓曰天竺之山南曰觀音之山是界大庸東流十餘里獅頭溪水自北來注之

前漢地理志歷山澧水所從出水經澧出武陵郡充縣西歷山而山海經則曰雅山澧水出焉今案澧凡三源一龍山縣栗山坡一永順縣萬笏山一桑植縣三台山前志斷

以漢書水經為正以歷栗聲同而斥雅山近衡與澧遠隔千里偉哉其為通識定案矣

三水至桑植龍江口合東南流三百餘里入縣渡潭平境為縣西南中方距縣人行道一百四十五里六分鳥道一

百七里三分經度偏西五度五十一分五十四秒緯度極高二十九度一十分四十四秒獅頭溪者出大庸北寶峰山東流凡三十餘里

屈巖口入縣西八都境巖口小市水逕其下因地著稱跨阜列廛縣界中劃又東左得

金蛟山水近今澧亂備始大庸四年五年盜戈盆起假名討袁公圍縣城連煩大兵乃

不能制侵軼驟突時闖縣境蓋庸邊山險扼守有資獨我八都金蛟以下每易侵入沿

慈利縣志

地理

一

邊懲敗亟治團練死力相搏盜眾患之定謀決策首在破團六年月日悉眾東出我無

後盾則大潰奔楊家橋者號團中堅及是失利慘遭焚洗厥燄驟高如注洪河民不禦

賊反為賊俚黠者加入五區一隅脅迫傳染良善亦盜逮及十年王懷初治團溪口特

嚴捕治斬馘夥復凶鋒少歛今逾半載又生萌芽雨後春草所在奕奕他日之事正所

難言又東屈龍潭舊傳龍遺珠潭中故名又東左得西澗峪水逕許家坊市集三五廢

垣蕪沒然良田上腴高下鱗比米穀之羨雄擅一隅往昔鴉片種博潛奪穡力貪者不

悟猶競藝之民間職業本末趨舍可以見焉又東丫角寨峙其北涯磊石熊蹲蠹者如

門明季寇亂里氓保此避兵事平作廟報賽其名寨殆用是乎又東迤南逕獅頭鋪入

澧自巖口至獅頭凡十里溪流皆抱天竺之麓天竺於八都為南故一名南山雲巘翼張

蒼崖聳削枕庸趾慈互三十里其在大庸曰上南山屈巖口曰中南山少東曰下南山

傘把洞者居中下南山之間厥源壯闊溉田萬畝是為一利又富煤礦以燒石灰歲息

浩穰又一利矣前志稱山有自生觀音又有石柱石杯取水杯中可療百病今亦無所

驗山之陽有老人巖與觀音山跨澧相對其狀若體痠因以名循巖而東有市曰鐵鋪實爲天竺之尾

又東九里徑陶家嘴九渡溪水自西南來注之杜家溪水自東南來注之是日溪口之市百貨轉焉

陶家嘴小阜也迤東曰溪口市乾嘉以來最號雄塵賈販集者江西爲大幫往往起赤手致萬金土著之氓久稍豔之出資與角顧代興遞盛大抵亦無常贏初出市之貨日桐曰茶一歲買常直千萬近始絀減而民擅麻利幾與相亞每五六月方舟來販皆輦見錢前此巡撫弛山藪之禁大治礦政縣西南鄙介沅陵有洞日蟬蝠號饒產硝至是馳使督辦由溪口設局轉錘旌蓋交午勞費不貲竟無所獲豈五行之精發洩猶未屆其時與自陶家嘴而西水次凡二步皆有船以候行旅人給數錢小艇不帆一人榜之刻期往來無淹風水其西南十里有山曰七子堦雲椒對秀遠瞻欲逝山脈西連天門實九渡水之北岸水經注水南出九渡山北逕仙人樓下旁有石形極方峭世名之

慈利縣志

地理

二

爲仙樓

唐張九齡九渡仙樓詩誰斷巨巖足連山分一股誰跨海上鵬壓作參差羽應是女媧九齡化工揮巨斧掀翻煮石雲大塊將天補渣滓至今存懸瓠分注乳磊

落擲遐荒組緝不合土忙驚日月過晃漾空中舞哀問巨靈鎗礙臂武塞罅制逆流努力迹駢神禹四載仆九年梗作雨紆迴殺坳區澎拜亂飛鼓漫下祖龍鞭六丁

護丹府漫發熊釋矢非石又非虎數挾不能制伊誰可再侮曾把蓬萊輪難將此物時賭羅浮亦可移此物不可取助斗出盤山巖能踞地主芝田第九層最上慈生圖

紀悠邈傳聞異辭怪石餘所所在而有尋求古稱文獻無稽亦如湖口石鐘徒成聚訟矣案九渡水源出大庸七星山逕朝天寺入縣九都境東北流十里左得兒溪水又十里右得礮石溪水又東南流屆磯總溪右得麻田溪協家溪諸水折北逕大潭渡復徑劉家平折南東屆鄭家平凡十里水流屈曲如玄字又東南徑關門巖右得郝家溪煙子溪龍溪諸水關門巖者石攔其衝有若門牡故云巖之右飛壁斗起曰龍巖寨明初朱思濟誘執覃屋處也朱故覃館甥以義割愛克戢凶燄衡之雍糾圖仲成敗異軌矣寨之南彌望犖确上有石室石樓豈即酈注所謂仙樓與又東北折南徑鷺鷥渡左得小溪水東北有山曰金巖之山里氓構寺以祀思濟其旁則吳丹峰故居也丹峰名家貴與朱鴻逵爲里閭石交乾隆甲寅鴻逵齒第八名鄉薦丹峰媿之厲志下帷門寢帷

帘徧帖朱名其後六年果捷第七傳者至今引爲美談又東北右日南平左日北平北平之南日三元平兩厓退遠平田方罨三元平有團練局去年朱墨仲喪元即於此局先是七年縣亂王懷初以營長失職竄轉九渡山中一夕盜掩至環屋列槍如筍束懷初亦槍實彈從二卒皆擊槍外指門關彈鳴盜眾愕避獲掠圍蹕去於是因費墨仲立團練立團練之翼月警一隊過馬牛列前女婦貨賄纍纍後隨則皆日嘻盜也盜也噪前截之奪有所掠不期月而三元平火屋殺人禍作聞賊來故以平旦邏夜者方前收隊譏禁失效故及於難自民國來縣蒙盜禍始八都二十都蔓於九都上失其道政刑蕩然哀我良懦妻子室廬舉供蹂躪稽之歷史漢唐宋金元明諸浩劫構造皆由失國今顧於開國遭之談國故者將何所據爲判斷乎又東山復渝合經芭蕉渡于家村折北趨陶家背左入澧凡六里水大瀾壯百派爭歸伏秋汛發非舟不濟今舟有九步磯曰曰總大潭曰鄭家平曰沙羅平曰鷺鷥曰金巖曰芭蕉灣曰于家村曰茅巖或據以證九渡之名雖非朔義足備一解鄙注亦稱其曲折透迤傾注行者閒關每所褰沂山水之號亦因事生以注勘今要非茲水無

慈利縣志

地理

三

以擬之顧注序九渡水於澧水之上復序零水於九渡水之上不知零之入澧乃在澧下東西相去何僅百里此則善長之疏無可曲諱者矣前志列九渡水於七都尤謬杜家溪水出剪

刀寺兩峰對蹲有若剪刀寺因受名其上懸崖離立石梁跨之合二爲一疑仙者之所

營構于雲贊翦刀寺詩雙峰削如劍中劈疑鬼斧盤空架飛梁媧石幾時補直下窆頑陰重閉瓦今古一蹶即重坎有眼不敢俛白日欄甍生黝壘爛牆土我來憩廢寺

雲漢在戶牖鼻祖峨崇山南衡此左股濫觴播零流餘支豈其伍空巖訪靈珠晶芒夜夜吐又田金楠聯云來已久矣談仙說佛危乎高哉拔地倚天 水西流其

南日斷架之山林箐荒寂不軌之徒梭睨其間行旅不戒輒遭椎剽大率視法網疏密

爲消長矣斷架山之東南大澧水出焉又南少西即上文所謂郝家溪其水西南行以

入九渡者也亂山簇襲溪澗奧曲爰多富民形家以爲川谷阻深其氣團結理或然與

大澧東流左得黃連峪水又東少南徑燕子巖屈於規潭右得南溪水又東南屈湯家

溪是交桃源其水並南注於沅杜家溪水又西南右得暮訪溪水又西屈溪口市市東

有橋曰溪口清末王之夔等募建累石架屋規模壯偉凡不恭享溪口橋記吾國人治百

細己甚而亦有重可茹唱者孟子稱歲十一月徒杠成十二月與梁成民未病涉傳載楚不霸亦推本于巷之不治蓋三古路政雖無專錄而散見于詩書傳記者即此已可

慈利縣志

地理

四

約畧得之然則今下美斤族互競一人道治以制一天行賈誼所謂一娶人之治天下者通一悉之力非躉言方之近今歐下美斤族互競一人道治以制一天行賈誼所謂一娶人之治天下者通一悉之力

入澧交午流也

又誤渚為楮以渚加溪是為不辭而楮抑無義焉其入澧處逕陶家嘴之右距九渡水

折而西九里屈江邊渡釀溪水自北來注之

釀溪俗名然河以川為河南北恒稱釀然相混斯昔訛耳水出萬笏山山有寺曰紅巖

石峰嶄削危徑旁逮寬不盈咫諸生張玉谿喜其險峭獨闢一齋讀書其中虎咆豺嗥

常在門榻水南流逕楊家平左得曹家峪水峪古書無其字爾雅水注谿曰谷谷古音

欲加山作峪俗文也然相沿已久經儒之證古不勝俗書之踵訛矣又南右得七坊峪

水又南趨荷包口又南右得夾石口水口窈而偏驛塗所經石罅綫圻孝可引流鑿壁

取徑劣容半跬田金楠夾石口詩澧北此通衢形勝縣八都惟釀溪擅富名乾嘉以來

擁貲巨萬三姓代盛日張王李今獨李氏號完清光緒中漁浦建學李長青置酒集客

酒半詔其羣從曰天道惡盈我里高貲率不逾三傳破敗相踵吾輩憑藉前蔭損志益

過羣謗所的即何苦更私貨力貽子孫以不令且鄉校之興適屆今日前之富者已不

及待茲不可以省乎因慨然出錢百萬長青號有畜名至是人愕其所為爭輸緡錢役
用立集又南逕江邊渡入澧渡南有山轟起東趨者曰五師之山

吳恭亨詩江上五師青髻巖五師秀出江

中間玲瓏堆塚欲飛去疑向盆巖看假山山一名天馬五石拳曲蹲若狻狀高秀迥出又如立墉又東迤曰
廖家之山山南北皆瀕澧而杜家溪北之山由溪口北之雪凝埡迤行而西曰張九平
其尾曰平潭亦南北瀕於澧與廖家五師諸山若牙錯矣

又北逕曼頭石東南屈巖屋口桃木溪水自北來注之有洲曰金盆之洲又東曰人字之
渡又東逕邊巖屈長潭凡二十一里

桃木溪水出太華山山亦澗南澧北連山之一峰峨峨獨立高俯羣峭夸者炫稱因僭
嶽名山故有寺院宇幽邃人踪不至清光緒辛卯山盜嘯聚喋盟羣剽有彭秉鈞者少
立戰功解軍里居快悒失志羣盜蠱之為治鹵簿衛游阡野里人大駭訟官名捕因立
團練顧彭實愚駭不悟為盜事發飲泣倉卒自裁逾年其眾始稍稍解散然根株未拔
伏戎在莽近頃常澧鎮守使命燔其院宇然山藪藏疾每一有事黠桀者仍蟠伏不可

慈利縣志

地理

五

爬梳水南流逕神龍菴又南羣小水來入曰三迤口又南徑層巖峪有洞曰弦歌之洞

又南凡十餘里得寺曰報恩澗岡縈複靜遠宜隱其左曰寨岡頭漁浦學校在焉初漁浦建

舍平潭號曰集義俄徙漁浦始定今名規制亦備今舍旁有義祠列主崇祀日以獎義

又左曰漁浦塘水由右迤而左環繞其前有若帶然故溪至此又名圍布又西南入澧

其左有洲曰龍窩植宜木棉木棉縣號大產擔夫捆載遠趨蜀鄂歲貨緡錢不減十萬

龍窩最為佳棉價取再倍紡力亦省然產不能多故名於縣弗甚彰聞又東屈人字渡

石壁削起橫亘澧流少東即對長潭矣長潭當溪口東與陶家嘴東西相夾澧水之南

逕陶家嘴也折西逆流復又屈北已乃迤邐東趨凡三十里始南屈長潭若遵陸取捷

則不逾三里澧之在縣此最為紆曲矣厓有象鼻嘴朱思濟墓在其下今驛塗猶見碑

刻文曰明穀用大元帥案朱為楊璟裨將以俘覃屋著功伐元帥者蓋其時尊稱至日

穀用不曙何義考之明史及璟本傳都無證見朱墓少東亦王小篋葬處小篋縣人名

堂仲富而喜施閻季蓉講漁浦聞其行義推獎甚至

田金楠王君墓表君慈利王氏諱仲字小篋光緒乙酉十月初二

日卒年三十有八葬長潭匡家嶺祖曰立萬父曰恩槐正仁正雅正直正德其他孤也
坦中負氣饒於積顧獨富虜酋者所為父人告劫急立以應里開有義舉他富家
避不為者君未嘗謝不為集眾力為之者君尤敬其怒攀好禮父沒已葬君方在篤疾廬
毀賞產行其志蓋庶幾俠丈夫風矣而予久之今正仁正雅相繼附縣學方退然茂士
卒賦功役嘗命一旦病發暈仆亟昇歸有問曰君坐予南嚮已東嚮諸子長邪力疾返墓所
執巾進饋羞雍雍維謹予為咨嗟動容者久之今正仁正雅相繼附縣學方退然茂士
君中之行而君已不維予為始君之毀產濟人所號為富虜亂者往往而笑其旁
及見正仁兄弟踵起文秀則又相與歎羨君之急義輕財果堂仲中子正雅以清按察
獲福報如是嗟呼此事後一隅之目論烏足知君涯量乎哉

使攻下荊州移軍戊禮在鎮九年捍牧晏然湘眾驅張據長沙正雅隕於刺公子育瑣
起復仇逐走卿衡自是相互出入育瑣卒潰敗方事之殷南軍入長潭大掠剖正雅棺
他一隊踵至悄然火其居第去人謂正雅視今軍閥類若馴謹顧結局乃若此或曰四
年五年大庸之亂正雅非親睹見北軍燔劉故將大屋及其他而不能問乎人但肩槍
喜人怒豕奚事不可為正雅無辜食報是為不幸耳又東逕杜家平其南有山曰龍崗
峨峨雄蹲勢號偉闊下有小水亦北流入於禮

又東徑紗帽砦六里屈瀉油鋪古峒溪水自北來注之

慈利縣志

地理

六

古峒溪二源出太華山左出曰東峪右出曰西峪東峪水南流凡十里阜東西錯抱中
峰童禿民盒其上是曰應鳳丘壑非壯觀穆遠人又南則田瓊林之故居田為德門嗣
姓邁種復多文秀今所稱東溪草堂號此水也

移戶喜峰對時竹淪流養巧謝輸班勞狂發輞川想臥守半晦棲座忝一日長游尹居
幸共羊求駕時枉嶺雲落片山禽逐兩兩自遂几硯謀修見林木莽夷塗扶聖藩駢
機響於網幽石激孤撐扶檻心証庶儻一板橋蕘欄俯回溪橋翼其左岸瀉對若堵萬
影狹於舸磴石激孤撐扶檻心証庶儻一板橋蕘欄俯回溪橋翼其左岸瀉對若堵萬
顛巖卉見乍訝天潭漁數拾可圮倚上事已遙瀟岸一興栗龍岡每當二汛發茲維衆流鎖怒雷
殷地動狂濤掀天簸砥柱良足倚蛟鼉安敢禍岸一興栗龍岡每當二汛發茲維衆流鎖怒雷
土窮以深連峰此奔湊斷岡日鬱森旁挺鼠四時變鳴禽何用探鐔團秘石能登披衣地結
坐忘携一寺隔曲吟每憶行步蹇頗怪世路蛟茲擊兀亂沙涌雜製寒籥聚依應鳳菴數峰
淨微照遠排仗太華近剖縷中更幾人在能亞茲觀古參佛潭無析山堂急暮雨
赫赫梵宇畫壁垂不鮮鑪香燼還炷茗汲僧泉供食罷齋鼓即此空百憂頗足快
一睹天竺遠排仗太華近剖縷中更幾人在能亞茲觀古參佛潭無析山堂急暮雨

又南合西峪水西峪前代大集也街衢廟寺綿接數里今其贖迹彷彿可求蓋古時驛
塗避山迂回抵此行旅所出賈販湊焉故自市至乾堰塗並砌石後取徑直南趨漁浦
又後益南直渡禮徑溪口而西峪一廬蕭索寂寞遂不復為大市一彼一此其諸互相

消長乎又南凡二里又得碧溪水又南徑半里坡兩崖塹合溪走其下雷殷琴潺可候漲落左厓有洞相傳有孟姓者季明寇亂盡室竄糧避兵其下遣僕出偵反遭幽閉財產萬金悉爲所有下人千上王誅冥戮皆倖不及亂世天監論者有悲心焉今或入之猶見白骨枕藉云又東南趨古峒橋橋爲走漁浦驛塗高峰盤雲榛棘不翦曰薄虞淵步起疑礙又東南凡七里屈瀉油鋪而入於澧紗帽渡爲長潭東五里津要北厓童山石戴狹容一徑王育瑱摩崖鑿公毋渡三大字見者方訝不祥未幾即來九年戕帥致兵之禍亦異驗矣

又東徑鐵場穿石溪水自北來注之又東五寶牛鼻白馬鳥雀犀角等溪水自南來注之是徑鹽市凡三十餘里中錯四灘爰危舟楫行者憚焉

穿石溪三源左出九龍寺中出溝三磴右出亮堙九龍亦山也在太華東數峰平羅大石百尺危累如卵熒然土戴是中硯材亦胚五金冶鐵之利今尙相擅溝三或書作狗穎蓋亦山名方言寡義口傳易譌未省誰爲正字三水趨南交於金乳平平亦名今如

慈利縣志

地理

七

以楊今如導水護田功而名之其右曰漸坦之嶺山勢南迤兀如睡驪林澗旁錯品植繁衍材木所蓄又南凡十里屈五福橋橋右爲乾堰市數家小集岡巘圍映以近驛塗少

有覽詠五福橋之左石茨水自北來注又西屈南與五寶南北相錯入澧矣五寶溪者傳饒羣礦今溪側尙產丹砂異時承平物力豐切吏謹文法無敢高論棄貨之嗟所在多有五寶今一名虎豹其南五里曰賽雲之山與剪刀南北對立亭亭秀特上下俱瞻

剪刀寺東南可十里是曰白果之廟廟今立學規模頗偉

田金楠白果校聯云樹木乎樹人哉遺廟名猶傳白果入

門矣入室者成材今正望青年白果廟東有山曰毫末之山亦稱高壯山之東曰下渠用西南曰上渠

用其溪澗並東行凡流二十里而伏澧水又東爲三里灘石鋒齒波星錯電迅舟楫不戒輒至漂損迤是東下牛鼻白馬二灘相續蓋受溪爲號也繫之三里險畧與埒而白馬經汎洶瀾摧舟儼符灑瀕異時彭朗軒扁舟下澧至此併命彭故諸生敏文多慧入坎非辜談者哀之又東右得鳥雀犀角二水自五寶至犀角凡五溪皆偪側澧南濫觴非遠故不具詳矣又東有灘曰大星亂磊石蹲波激水濺雪舟迫其罅轉柁點篙瞬不

容懈故或改星作心言舟者至此心亂似爲嚮壁案亂訓不理爾雅絕流曰亂則假借訓濟義更迂遠今疑亦澧人號危險通辭下文稱出亂入亂斯其驗也俗文野語無關典要若必求證義鑿矣其右爲鹽市石壁斗起四方而高稻田沃腴歲登千石僅東南二徑可資出入若寇亂保險搏泥半丸即可封關信求隱之佳處或以爲地嘗產鹽故名鹽市今猶有鹹泉然村落三五實無市也自鐵場迤東澧水所經瀕厓悉猛巖獍壁若堵若郭而水爲山東激瀾鬪石每禍行舟故傳者咸以及鐵場爲入亂下鹽市爲出亂云

又東五里徑至公渡宜冲溪水自西北來鼓動溪水自南來對注之又東七里徑漁米渡漁米溪水自北來注之又東十五里徑沙刀灣是有溫泉又南屈東十里桃水溪水自南來注之是屈隴子頭市

宜冲溪水亦出九龍寺南流徑楊柳峪凡十里龍象庵學校在焉又左得廖家峪水右得官莊峪水龍象官莊爲王道成何秋江講學處百年前民智獷鄙不事詩書今則比戶

慈利縣志

地理

八

擬鄒魯矣其南並山是曰黃泥之橋黃泥小橋也驛騎經焉背山列廬孤另若堠以距水步遠墟市簡寂販旅寡留自乾堰以東驛南羣峰並巖疏童秃寸萌不藝惟並山西北煙火曖接澗岡糾紛腴阡四映植木之利桐最擅名每暮春花作彌谷漫溪皚若晴雪宜冲水又東左得于家峪水水出才子界界又在九龍之東其陽峻削不植草木登頓崎嶇猱攀狄挂洵漉南澧北之扼塞矣水逕薛家莊又南合宜冲水屈宜冲橋屈南入澧宜冲亦市集近溪數戶初亦悴隘近則大屋高甍萬瓦鱗次商者既湊警察所福音堂次第附設儼然一都會矣與宜冲對注澧者曰鼓動溪水出鹽市東蜿蜒二三十里高阻爲墻低鑿爲渠平激糜木若老虎岩若龍虎平擅利殆無涯量初驛塗率遵澧北今則徙南徑此渡澧七里屈漁米渡又二十五里屈隴子頭始仍北渡焉漁米溪水出萬民山南流十里入澧又東曰任氏溪經流迫狹是界六都漁米渡者澧旁小集其南有山曰插旗巉巖特秀危疑嵌霄日瑩雨眩遙顧知方瀕水艇集專候行旅分幫上下亂如鳧鷖亦有二步一步及沙刀灣一步隴子頭也自漁米渡至隴子頭數十里間

復岨疊巘哀溪澗鬱怒盤糾迫無寸紆南渡澧入七都與插旗東西對者曰梁家山

山故驛道田宏福謀避登陟之勞沿麓鑿石成道俗所稱二十五里梁家山者至是省

去五之一宏福乃能獨力成此鉅工偉哉吳恭亨詩云鬼斧神工耳目新五丁巨手此

近者軍興盜起或伏新鑿路為剽劫居人苦牽累往往潛毀其工亦遺恨矣梁家山正

南曰南山之平其上良田百頃夷曠饒沃舊多富室亦為符孝子葬處今迤旁符姓猶

盛山有溪曰甘溪水由高下迤灌溉利焉伏行入澧其一支號曰桃水溪者源出鹽包

山北流屈白水崗千仞下垂壯類虬髯前志稱其髣髴廬嶽瀑布又北合梅子溪水入

澧亭子橋跨其口者是已自南山平南叢山雜襲又二十餘里南屈九都曰櫟木之平

其東曰龍王堦桃花溪水出焉東流經尖竹嘴折而西南右得上下巖門水尖竹巖門

之間民激水糜木用作香粉歲貨巨萬每潦水羣發販者來萃皆止龍潭小艇如織輸

之下游蓋出山之貨若鐵若油並此稱縣南雄產矣一歲入錢總額逾十萬圓又東左經宣雨殿折

南屈於龍潭之河龍潭縣南壯廬也亦為入沅水步小市負水土田平衍然錯郊鄙物

慈利縣志

地理

九

俗殊異薦紳秀民喜夸尚靡自為風氣又南經高家峪屈於兩河之口凡三十餘里右得陳

家河水水出沙場東流逕雲朝山一統志曰山廣三十餘里孤峰壁立上有石屏石鑪

石燭之勝而康應瑚作記亦稱其高插青冥近巔里許山忽斷如絕跨梁而登四顧豁

然大宮小霍環列獻秀森若萬雉蓋縣西南雄嶂也又東徑高橋折南已又屈北屈於

陳家河市市亦小集旅販西趨桑庸者皆逕此取捷又東徑葉家嘴左得沈家溪水又

南徑芭茅洲屈曲屈兩河口凡四十餘里合龍潭水而南注於沅凡縣南水趨桃源入沅者

號三支此最為壯流自外若西之規潭東之八步橋等水則非舟楫所經故不並述云

澧水逕沙刀灣屈而少南又折東屈隴子頭市羣山東豁烟秀雲麗若江出巴歸迴眺

平遠市北為朱白巖故居相傳清乾隆末大禋朱祖母吳出粟五百石分濟里氓其後

道光辛巳或負黃襪來憩市中告人此里有以五百石粟貨鄉舉者亦知之乎羣誕其

言及秋朱長男果與解額乃更噴傳市又北十里有山曰隼雲之山上有寺云趙宋時

勅建今石柱刻文可驗山高雲出飛青浮碧朝暮異狀亦縣內最大名山也

又東徑巖泊渡康家溪水自南來注之曬穀溪水自北來注之又東徑千金溪屈於洞溪田兒埡水自東南來行溪水自北來注之又東屈北團巖溪水曲水溪水自西北來注之是為柳林之潭其市曰柳林之鋪又東屈白沙溪北風埡水自南來注之又東至於永安之渡是屈縣北漚水滙焉凡三十五里

康家溪水出零陽山三源中出龍潭坡左出陰二埡徑田家平右出獅子巖為鉛廠溪

零陽山一名牛頭峯巖突兀高壯出雲以狀受名東下有泉曰黃龍于雲贊黃龍泉詩零山陡西來

一折欲落懸崖鱗張勢競巖卓噴薄走大溜壑阮苦束縛高壘排劍鋒重巒關笥角龍性不肯馴嘜沫閱巨壑條分喘小息派合怒仍作傳聞桃花源茲實接空闊天

根氣灌輸地府脈絡漑其南即洪家源頭零水所由經行獅子巖亦即前志所謂三

峰中之一峰也巖饒礦產故以號溪今有接官亭及冶竈蹟迹豈晚明中使嘗駐節歟不爾蕞爾溪澗即擅饒利奚取盛飾亭傳妄炫官儀神烹礦政弊吏禍民即茲可見近歲姚南滂復出貲采礦確為黑鉛但苗線作團結曠時耗費得不償失因又中輟三水交於三汊溪又北徑巖泊渡入漚巖泊渡亦市也跨水為廛漚之東迤瀕南百里並為

慈利縣志

地理

十

山東屈此始漸平曠煙村迤邐大野中豁亂峰退立湊如連雞削如倚劍川光映薄鬱成奇秀市南有庵曰龍頭是號壯偉近怵兵亂廢庵為學駐防連長石門覃銳夫復左右之富財貧力各赴經營初不期月規制有赫亦壯采矣巖泊之富稱孫氏清生員字仙舟者其一也讀書閉門不問時事年六十矣用女嫁王氏九年戕帥之變南軍來討無故侵入其住宅恣掠如洗門扉柱礎亦皆不保易匪寇昏媾左氏傳懷璧其罪亂世國紀蓋有難言又東右得洞溪水水出田兒埡初西流已乃趨北凡十兩山高並下坵一溪土田旁麗時有墟落由洞溪北渡曰廖家之村縣西驛第二鋪也十里平遠田晦腴饒舊多富室莊業提督孫壯武亦買此田今驛旁有其碑刻賜誥石礮人馬均極偉麗又東左得團巖溪水水出隄雲之陰中產竹木鐵冶尤盛其西北有茅盒巨篁映蔽園沼靜逸盛暑忘炎初僧大光結茅於此僅蔽風日後不十稔大治殿宇金碧渙赫幾甲一縣旋因失明亦以他嫌為其徒所訟至出行脚釋氏虛寂號為無爭乃逢羿伎怨初不反踵起於同衣此又何說茅盒東曰康家之平平東西袤十五里山高水峻故不

產稻爰有馮氏教佃治渠更勤字畜因擅巨貲今彌望並爲稻田乃知引水利秦鄭白
雄智何異古今又東屈南合土梯埡水又南屈柳林潭西而入於澧凡四里柳林故有市
集其南岸即孫壯武世居也壯武少賤父死依嫁母蒙姓名曰李九落魄無歸徙業操
舟及貴更買田長沙遂不復返驃騎曲逆微時發迹儼如一揆辛亥革命壯武子靜山
爲福建都督明年坐滬寧嫌疑改隸將軍府十載京輦朔飢欲死縣之偉人有功新國
曰王子翽及唐以祀乃都不終王既沈寃唐與靜山且槁壁上典衣賣田幾於慣習陵
雖不德漢實寡恩今日後生視求富貴乃滿坑谷是又何也龜自曳尾孤豚慕犧度量
相越我爲胡盧澧水又東屈白沙溪右得北風埡水水出鴉雀洞有石杯可候晴雨杯
水浮則雨涸則旱云顧今已無見其北日青山廟廟神傳能致枯甍奔走祀之特謹
又東徑高家落萬木干霄廣洲外圍巖姿水態尤麗舟望又東至永安渡歧爲二流一
趨縣治一屈北屈觀嘉渚渡在澧北爲澧清初僑縣其東涯月川書院故址也今爲準
提庵清同光及今即庵設局推百貨南澧北澧二水襟之有塔蹲立孤秀亭亭上下所

慈利縣志

地理

十一

瞻其尾即觀嘉渚爲今澧水滙澧口矣

又東一里屈於縣城其洲曰琵琶之洲浦曰鴛鴦之浦

澧水屈縣治右得青溪環溪二水昔縣人張兌及劉時兄弟先後建學各被一溪而名

之兵戈易姓子衿不嗣昔之遺構渺無一存吳恭亨環溪弔古詩晚陽浮萬綠壞堞豁登臨二水流多曲羣峰霽更深井間緬宿

昔文物帳銷沈弦誦環溪歌遺風不可尋縣治初僅帶澧外橫廣洲袤互五里是日琵琶之洲狹上闊下用

形爲名自明季洲斷澧水亦徑趨城下初驛騎所經厥渡凡二其北芙蓉西即永安率

官募渡夫俾候行旅年遠奸生二汎淺漲黠者避事艤船不發漁艇賣渡擅爲奇贏舷

淺人稠覆沒之禍靡歲不聞前志稱韓輔廷爲縣重惻茲弊增置渡舟今二十年耳官

吏漠然無復能省前事去歲第八旅營長縣人吳殊凡更斥俸倡集巨貲買田一區用

爲後盾惠不知政子輿所小求之晚近若殊凡者殆於麟角縣有城始自清乾隆初不

百年澧勢趨南西北羣堞盡陷於江頃令廡亦危同累卵吏者惴焉頻議捍築而遠智

之士見爲褊迫觀泉定中須策壯圖顧斯事體大準今物力非可易言九年之變王軍

書諾焉俄篝火下山明又南爲僧寺羣木圍映莫辨檐薨以去郭近游者爭湊後先題

日甲午吳恭享悔記吳恭亨燕巖寺次姚惜抱隆興寺閣韻出郭兩眼眩潑青亂山至羣木圍

詠繁於筍束一門稍始見廢寺飢磨不避人跳躍若有企誰年文許徒遺此蒲團地遠

色冷風交危響敗葉墜我來羣石國坐眺復何冀厥奇不一狀頗軍之失帥或坐或離

立忽莊忽諧戲錯者禽絳樊竦者馬絕轡又如窮冬蒐戈戟陳萬騎衍進洞門及大乃

僅容臂苔石紛題名參錯誰省記不朽幾人在黃土一蔽循是東迤坡陀相續至落馬

翳悠悠今古塗寂寂身後事噫乎雍門歎咄哉峴山淚坡而山之尾踰焉實臨於零水相傳顧公捍寇戰敗自刎挈斷頭馳逸及是汲婦呵之

乃落馬此則語怪不經疑於齊野之無稽者矣

又東三里徑古城隄鯉魚水自南來注之零水自西南來注之是爲零陽之墟其北日陰

魚之湫下有龍湫旱則雩焉

零水縣大川也二源一出剪刀寺一出黑帽山東北流至趙家堙伏焉伏處聲轟若雷

凡伏七八里至洪家源頭涌出前漢地理注零水東南入湘案縣在湘西北五百里且

中隔澹沅何能越入或疑湘乃澧訛則澧在零北亦不當日南入斯斷爲應氏之誤書

生讀史喜說山川然百聞之鑿不敵一見必曰安坐披圖足當地學則未前聞水東流

慈利縣志

地理

十三

十里屈潮水庵折而東北流逕巖板灘是爲九都盡境朱玉甫之居在焉朱嘗行社穀

法於其里大著惠利歿而弟子私祠之又二十里折東逕汪家橋夾水南北皆汪姓又

皆富擅金錢大屋潭潭綿接十里前此一姓租入歲近二萬石近稍稍替矣又東屈南

徑燕子橋七姑山在焉山高秀有祠祀七姑七姑事無見前志載里氓祈雨山下蟠桃

洞得周樸碑記頗著其本末樸唐末人能詩不屈霸府世論引重顧記文亦軼今縣俗

獻歲後數日女婦或盛飾降神擲盃玦驗休咎號請七姑並爲迎神送神之歌每歌引

吭互答曼聲柔節云非是神即不歆鑿疑其事蓋遠矣七姑分二堙西日雷雨東南蛇

二並峭阻幽盤號爲險阨又東南徑莫家溪右得兩汊溪水出星德山跌篋絲溪山

介縣東南高危負天錯連四縣雄光秀氣百里具瞻吳恭亨望星德山詩水曲澗整盤

眾皴東北立萬劍剛耿若相湊稍南豁又紆如人臥橫肘肱詭非一狀合灝沓難悉究嗟

我塵埃人飢餓不相宥牽繼無煖席往往困煩督櫻買山固未能二畝儻可儲佳處留茅

庵奢想吾今又篋絲水南流屈西又折北逕陵溪寺左右各得一小水寺縣鄙最大刹也拳丘

蹲負羣木虧蔽碎峰亂水遠圍近抱吳恭亨陵溪寺次少陵晚登灑上韻兩溪萬山圍

一寺羣木擁簷日佳有餘巖雲寂不動平拓左右

窗稍辨高下壘亂水屈曲蟠連峰突兀湧造物每設奇吾行茲息踵假榻聊淹留還僧
偶揖拱凍覺春態閒瘦訝石狀聳自非山水奧焉脫人事冗經旬接游楊抗辨到姬孔
半晦子雲宅一杯可師冢坐憐去人非其東曰涼水井是界桃源小市跨阜連山鬱襲
莫增來者重月晦山門昏豹虎焉憂恐

奇若蜀棧近歲縣立保商局於此設邏分卒譏禁儼同戍守又西徑兩溪學校左得蓮
花洞水學校里人朱功九所建也以當水會故名先是衛廉平令慈利議大興學羣難
其役以朱富人責又頗苛既久不決朱恥道謀獨斥田租千石建舍延師論者稱焉其

南有洞曰蓮花朱恂叔之所舊游山隅今猶存詩刻朱先敏蓮花洞寄懷詩光風遞到
五雲箋見示知名外洞天感我同

懷泉下友羨君蚤作地行仙黃公壩在酒人渺鉅鐫
記成元李傳蔣徑昔曾為二仲勝遊待補後來緣又西徑象鼻嘴屈於河塌三都劉

氏之族居也當清乾隆末劉澧源宦江皖歸擅園第頗著侈名甫及百年三四易主蓋
縣田晦惟此都號饒沃腴土著大姓舊稱龔劉朱褚並科第仕宦嗣踵蔚興氓庶相耀

多尚豪舉筵客一飯費至萬錢今則一都率耗敗甚有不能保田廬守邱墓者矣奢縱
之效夫可以睹河塌西南有山曰皇峰巖朱琢堂晚歲營築其上叢亭曲欄出沒雲罅

見者噴羨又西逕茅竹峪屈莫家溪入零凡二十餘里零水又東北逕符實橋屈簡家平左

慈利縣志

地理

十四

得洞坡水平朱半巖所卜居也旁即其子婦葬處吳恭享朱孺人墓志往光緒丁亥之
歲吾張氏妹卒予疑其慰夫又以橫

死也哭之而不能無恨後九年乙未門人未噩狀其婦謝孺人死事來乞銘其言冤愍
酷痛誦之使人戚然抱窮民之唱蓋孺人不幸失於姑與吾亡妹之不幸失於夫其

事皆所謂人紀之至艱難者足以悲矣雖然予聞之二女婦勤聞大義羣處粥米鹽凌
無所逃於天地之間者自世教衰民莫由禮一之伯奇之擯也屈原之被放也正也

雜半辭勃谿忿戕其生微若毛髮嗟乎若茲類者夫豈風俗之細憂耶故今者予志孺
人即不敢許其死為當義微特恣吾亡妹已往也著其例亦俾天下凡女子有所發焉

按狀孺人名香晚慈利謝氏父曰霞友年二十歸壘歸六年其姑用讒言疑為盜餅則
志飲藥死時光緒戊子歲二月十六日也以其年某月日渴葬簡家平遣一女曰詠銘

曰怪雨宵風作於宮也塞難容也為婦之窮也又逢凶也埋孤
怨於土中也嗚乎大江不西逝日不東兒女之憾亦無終也又東屈文家溪文溪之

右有山曰王虎是為王誠夫葬處左偏即其夫人墓也墓石並庚集篆蓋王元明字文
夫入墓銘仁

不耆壽兮理莫量枯未富善兮天茫茫氣邪邪戾其常佳城鬱鬱零之陽一水榮
繞山蒼蒼宜其安此吉永藏經營同穴封君堂幽明相敬猶鴻光天定理勝百世昌穹

碑離立封而不墳縣中王氏多祖誠夫故宰樹至今鬱然又折東左得破旗峪水又東
徑巖壁潭右得三里溪水又東屈北徑白竹水是屈二都右得顧公砦水顧公名佚不

傳唐季盜起顧結眾保此砦破戰歿里氓憐之畫像羣祀號曰顧公總管今里有顧謝
二姓其苗裔也事具康應瑚所為顧公傳康有文譽而為此傳殊乖恬豈亦踵傳聞之

異歟然顧死千載一方尚皆嚴事之則其人必亦豪俊矣于雲贊顧公皆詩陰谷生畫

宿暮顏狀變其椒容萬馬嵌空絕梯桃孤攀氣逾迥立勢不轉戴頭顧公來扼此為

雄塹擾擾蠻觸置河山大爭戰百年臥桴鼓陳迹暫如電簫條遺民非十里爨煙斷虎

風怖行人摩清慶光以還縣兵米頗禍民有生員楊文振者亦為所困發憤謁令言生

員不遺糧而隸持縣符追欠今特來一釐算則懷出算子投令案令愕卒亦無所發怒

楊蓋此里人也故傳者以云又北徑五都王營平品字堆屈零溪橋橋初僅架木汛發

輒漂沒朱蓮溪惻焉募貲成梁經營三年耗錢千萬累石入雲始不病涉論者推其功

與溪口橋相伯仲云又北屈筆架山而入於澧凡十八里水西古城隄是為漢零陽縣治號

白公城前志以為即白公勝封邑案左傳杜注白楚邑汝陰褒信縣西南有白亭秦蕙

田五禮通考白城今河南光州息縣褒信城即在縣東北據此則前志妄矣蓋勝逃死

不出吳鄭東距澧地且二千里史文地圖章驗可覆作者不察因勝楚產附會著之又

引貞姬冠縣列女望文生義謬不可瘳筆架山者以形得名雲髻對青翹若戟枝而星

子山自澧北蹲拊其背從縣西遙瞻蔽虧中立二合而一又儼若縹緲之三峰矣少南

慈利縣志

地理

十五

為迎曦啞音譌而作英溪或又書作陰旗趨石門步驛第一鋪也亦張谿堂建亭之處

重岨錯列為縣肩蔽雖扼要非險而戍用百夫即可限戎馬若捍外寇謹闌入則備

盜謀野茲固其一扼塞也吳恭亨迎曦啞詩雷嶽南來似建瓴巖更此護門岨溪迴

有危亭故侯識在風流又東南有山拔起日赤松之山山一名真人又名雲窠干霄獨

秀挺立不倚明知縣潘清蘄雨有應立祠報賽前志以其祠張真人遂疑為即留侯辟

穀處是又塗說臆解望文嚮壁之一類矣

又東屈北三里屈於官潭桑木溪水自北來注之爰徑秀峰其神曰武平民禱是依又東

十里屈於星子之山遺筆溪水自北來注之又東英溪鬼邦溪二水自南來分注之又東

南茶林溪水自南來注之凡二十五里

桑木溪水出縣北栗山峪山為道人山見名下東支羣峭雜襲蜿蜒植枿若闕若笏下有泉

日夜又傳為龍湫每旱禱里氓歌鼓刑牲跳舞鞭水湫致雨隨輒有奇驗水西南流右

得槎溪水又南徑七相平屈臥龍灣西入於澧凡十里臥龍即官潭灣也其北為秀峰峰

之麓曰大廟頭當南宋時有石言於澧羣異而祠之語在祠祀篇今江干遺廟民祀猶

謹澧水又東有灘曰北魚之腦石斗湍峻亂如殷雷舟航經涉上下危恐

吳恭亨北魚腦詩舟下北

魚腦嚴如軍奪門喧轟祇水石震蕩到乾坤猝若地深陷乍疑山退奔吾生不習坎涉險欲無言又東左得遺筆溪水遺筆者用白公

善遺筆得名今呼作魚米水出二層界凡十一統志以爲在縣東三里北流入澧者非

也循溪而北爲縣走二十五都問道亂峰破碎局促罕奇然竹木茂蔭禽魚浮集亦號

靈區矣又東右得英溪水英溪分大小二水皆出五雷山麓徑七根巖曲折屈營盤北

入於澧凡二十餘里營盤有迎曦橋清光緒初圯於水向明祿復之今又被嚙壞繕完之責

是在來者五雷一名大維又名雷嶽縣第一高奇名山也旁魄百里列縣具瞻上祠真

武號爲雄祀前志載張谿堂被召放還道澧謁華邸爲言大維會其鑄真武像成遂與

偕登致像立祠案谿堂見辟當洪武初且未赴而華藩徙澧證之明史則在洪熙時

代相去已近百年此之矛盾不攻可見其後張子姓自詭業主每屆祠日或許黃冠立

爲宮觀漁財分肥奸欺相乘歲有訟鬪叢爵誨貪敝俗悠悠沿莫省革識者惑焉踰五

慈利縣志

地理

十六

雷而東爲縣一都境道水出焉澧之流九而四在縣曰澧曰黃並此及澧是也水北東

流徑廣福橋橋亦墟集顧簡寂不稱壯廛又北徑桃子溪市折東屆於萬福之橋入石

門縣南境凡二十餘里初縣一都號沃腴冠衿亦盛自清同治末張暄亭之亡紳宦凋徂孝

秀不嗣頃年以還物力銳減土著失職論者且等爲甌脫棄壤極豐而屯疑亦天道一

都之南又有二小水入桃源是日老棚爲縣地東南極邊其西即星德山也峰裏溪束

壤土褊窘居氓咸職造楮婦稚合作日計所獲人可百錢其楮率售之武陵然有邸稅

武陵令攬征之古老傳榮邸來謁五雷責民供楮王邸因著爲例有明藩邸之苛斂敝

民大較類此顧玉步久改而市征不捐將非持吏例者漠不省與民更始乎澧水又東

右得鬼邦溪水水出黃花溪南流徑雷家臺是屆黃花之橋一梁堵水汎發瀾怒每成

每圯入民國後邢正友募貲復之累石架屋易名保安並署聯云相保以險厥安如山

乃完工未幾水又蝕其一端人治竟不能爭勝天行恫己臺爲驛塗所經亦立塘汎東

西並危岨攢合百澗千流相背分赴以北趨於澧凡十餘里又東右得茶林溪水水出黑耳

彎凡十餘里其東南有山曰瓊雲之山一統志曰山在縣東四十里銅盤山左高接雲漢形

如屏障又日踰山有西泉西泉前志作鹵泉廣韻鹵鹽澤也字有鹹義疑縣無是案一

統志石門西南三十里有東泉又西十里有西泉日東西對文也今準地勢疑西泉確

為縣有前志書作鹵者殆字誤耳茶林亦小市去水步二里旅販罕經故市塵衰寂然

並驛上下亂山臃腫不殖寸萌惰農之嬉力曠土茲蓋可見矣市南亂峰雜襲徑又錯

出九年戕帥之亂王軍堵茶林市西李軍其東方戰鳴礮王軍自山鈔出百姓噪而從

謹呼繳械李軍潰者皆羅跪授槍莫敢仰視是役也使追者更前司令李蘊珩俘矣蓋

王子幽隕由非罪父老子弟憤而助力致死李又客軍不習地險遂及於敗

又東五里小沙溪水自北來注之又東屈北二十里徑蠻王城屈於鴨子之口芭茅溪水

自西北來注之又折東三里徑東羊渡屈於柳溪之口篁竹溪水自南來注之又東五里

界溪水自南來注之是界石門縣東地盡焉自小沙以至鴨子之口瀕水多灰窰歲貲巨

萬

慈利縣志

地理

十七

蠻王城瀕澧南涯之山也石峰危峨若累若雉傳為唐末武平破蠻處故有城號前志

與白抵並入之城池類則為誣謬冥連兀立氣逾剽維昔伏莽初盜戈恣騰赫青

師來窮林付一燎往事靈蒼煙城根隱夕照負嶠爾則誰寂寂其旁有峰曰丫角亦極

挺峭于雲贊丫角峰詩立石雄雙丫劉天曜脩架苔磴細於蚶劣難引征駕南晚響王

城崆峒吁可怕陰風走不停白日慘將下幾年聲鼓鳴殺機千元化浩劫沙蟲銷

箭簇埋石罅悲哉鳩鵠民小聚列澧水徑此又東為排巖一名亂上泓深溜急大石星

蹲攔如列陣舟行宛轉出沒石罅尺寸稍迂舷楫立碎故每舟過必薦酒脯禮神相與

慶無恙巖盡為鴨子口羣岨遠迤廣野秀騰芭茅溪水自西北來注芭茅者受羣水而

名也實分南北二支北出華嶽山號後溪華嶽斗溪東二十里之山也山旁富民爰號

莫王第宅蟬聯鬱鬱映帶吳恭亨莫君墓志銘慈利有種德累行純愨君子曰莫斐林

三月葬華嶽山峽葬二十三年孤樹德以狀巧文付追埋樹德予門弟子也篤實而文

秀請似不可辭按狀映次祖諱維德父諱遠仁妣王氏配亦王氏卒之年樹德纔十一

歲他行多不能記憶第五都富董誠稱映次少年能刻苦求學無所合退益陰行善三

此而已予聞莫在二十五都富董誠稱映次少年能刻苦求學無所合退益陰行善三

惻緩急環歸之顧又讀書也嘻是皆可銘銘曰吾國出儕農保雜作見者咸矜頌苦力不

衣冠者又率諱勞力衣食所生翹然一唯人是賴厥塗一分士與農乃俱傷兩敗有嘉
莫君負未橫經載異其施寧倡並耕許行學派自食力耳人見怪怪惜哉今日歐俄勞
農時代有隣德孤良遺恨大華嶽嵯峨後溪如水東流徑三鶴山唐訓導之故居在焉
帶吾銘襪之磨石不壞後有萬年人下馬拜

唐號三山清乾隆時鄉舉豈取三鶴為名歟唐後罷會同訓導以兵米苛派里下力言
有司革之一都人到今均蒙其利又東左得泉峪水又東徑寶珠山而合前溪水寶珠
狀圓若珠高十數丈橫錯水會而南北高峰至此岬合則中蹲又若砥柱然一統志稱
其在縣西十里殊誤前溪水出道人山見下之陰北流十里徑滋溪峪左得蜂子峒水又
折東五里徑韓家泉右得黃楊溪水又東十里徑永順橋屈官屋平右得琵琶洞水爰
錯寶珠之麓今所稱三江水是也又十里與芭茅水合又東南十里入於澧焉自芭茅
之西雲巘豁張岡斷澗續曠如玄如而良田上腴土墳農慤畝入號倍故縣北惟二十
五都擅富名往者王誠夫鑿渠溉田傳在此水開物成務君子之澤遠被來禩後有豪
俊厥可以興澧水又東徑東羊渡東羊小集依水列廛市易非盛然為九谿走石門間
道驛騎徑此南渡其右即筓竹溪水北注口也水出貓兒峪南大山北流徑貓兒峪市

慈利縣志

地理

十八

貓兒峪為縣東大墟集列屋數十迥異悴寂九年七月常澧鎮守使王子翽獨馬飲彈
即此市中九澧兵禍胚由一擊論者悲焉右得鞍子峪水迤邐曲注屆柳溪口入澧凡二

十里筓竹名韻會切為涓惠廣東新語筓竹葉細節疎中作密絲此以名溪豈特產乎然

縣多有不足異也又東右得界溪水水亦分二支一出界首鋪北西流一出三神潭北

東流皆交於東嶽廟又北徑觀音壩而入於澧凡二是界石門所不具詳為縣東北良

道六十五里鳥道四十里經度偏西四度五十一分緯度極高二十九度二十八分二

十四秒春夏盛漲水深四丈餘闊九十餘丈秋冬水落深六七尺不等闊四十餘丈
東嶽廟者縣驛塗南北並高峰浮楮飛綠百狀千態闔眼眩愕循是西迤而貓兒峪而

高橋鋪率皆攢巒縣谷溪回澗盤里俗曠桀勇鬪喜訟郊鄙風氣之糾錯絜之都邑文
柔故少異矣